

Newspaper	UTUSAN MALAYSIA
Date	05 MARCH 2017

# Pengajaran buat Dr. M

Oleh **FITRI AFFENDI MUSTAFA**  
pengarang@utusan.com.my

## ■ KUALA LUMPUR 4 MAC

**T**EGURAN Sultan Johor, Sultan Ibrahim Sultan Iskandar agar orang luar jangan campur tangan dalam urusan negeri Johor adalah satu bentuk pengajaran kepada bekas Perdana Menteri, Tun Dr. Mahathir Mohamad.

Presiden Parti India Bersatu Malaysia (MUIP), Tan Sri S. Nallakaruppan berkata, tindakan Dr. Mahathir campur tangan dalam banyak urusan negara telah mencemarkan nama baik Malaysia di peringkat antarabangsa.

“Memang benar pesanan Sultan Johor bahawa Dr. Mahathir adalah seorang tokoh politik yang berumur dan sering campur tangan dalam urusan negeri Johor.

“Malah, beliau yang pernah menerajui pentadbiran negara dan Barisan Nasional (BN) selama 22 tahun, kini cuba menggulingkan kerajaan sehingga sanggup berganding bahu dengan pemimpin pembangkang yang se-

belum ini menjadi musuhnya,” katanya dalam kenyataan di sini hari ini.

Sultan Ibrahim baru-baru ini menegur seorang pemimpin politik yang dipercayai merujuk kepada Dr. Mahathir agar tidak mencampuri urusan negeri serta cuba mempengaruhi rakyat Johor.

Baginda turut menasihatkan rakyat Johor agar tidak terpengaruh dengan tipu helah orang luar yang cuba menakutkan mereka dengan cerita dongeng.

Mengulas lanjut, Nallakaruppan turut menyifatkan tohmahan Dr.

Mahathir terhadap Perdana Menteri, Datuk Seri Najib Tun Razak adalah tidak berasas.

“Dr. Mahathir sebenarnya cemburu dengan pentadbiran Najib yang begitu baik dan berkesan. Malah, Najib adalah seorang pemimpin berkaliber dan mengikut langkah bapanya, Allahyarham Tun Abdul Razak Hussein yang merupakan salah seorang bekas Perdana Menteri yang disanjung tinggi oleh rakyat.

“Sehubungan itu, saya menggesa rakyat supaya jangan terpedaya dengan ucapan-ucapan Dr. Mahathir,” tegasnya.




**S. NALLAKARUPPAN**

Um-5/3/2017

## SULTAN TEGUR DR. M?

### Jangan campur urusan Johor

Walaupun tidak menyebut nama, Sultan Johor semalam membuat teguran keras dipercayai ditujukan kepada Tun Dr. Mahathir Mohamad.



Dulu dia kata pembangkang itu musuh ketat, tapi sekarang...

**KERATAN Utusan Malaysia**  
24 Februari 2017.